

ZADATAK ZA PRAVNU KLINIKU IZ KRIVIČNOG PROCESNOG PRAVA

A.M. i F.D. se poznaju od ranije. Nekada su se zabavljali sa istim djevojkom. Dana 1. 10. 2019. godine susreli su se u naselju Bulevar u Sarajevu. Nakon pozdrava odmah su se počeli međusobno prepirati, zbog nesuglasica iz prošlosti. Nakon kraće prepirke, M.A. je smatrajući D.F. krivim za njegov prekid sa djevojkom, istog pesnicom - zatvorenom šakom dva puta udario u predjelu lica, nanijevši mu tom prilikom laku tjelesnu povredu u vidu preloma nosne kosti bez pomjeranja (dislokacije) ulomaka.

Nakon zaprimanja izvještaja o učinjenom krivičnom djelu od strane ovlaštenih službenih osoba, tužilac je donio naredbu o provođenju istrage i u istražnom postupku ispitao osumnjičenog A.M., saslušao svjedoka P.D., koji ne poznaje ni osumnjičenog ni oštećenog, a koji je događaj posmatrao iz blizine, te naredio vještačenje po vještaku medicinske struke na okolnost vrste i težine tjelesnih povreda koje je u krivičnom događaju zadobio oštećeni i mehanizma njihovog nanošenja.

Da se događaj odigrao na gore opisan način potvrđuju oštećeni i svjedok P.D., dok osumnjičeni ne osporava da je zadao oštećenom dva udarca pesnicom u predjelu lica, ali navodi da je bio izrevoltiran njegovim ponašanjem. Vještak medicinske struke zaključuje da je oštećeni zadobio laku tjelesnu povredu, a da ista nije mogla nastati pri padu, te da se kao podobno sredstvo za nanošenje povrede nikako ne isključuje stisnuta šaka – pesnica, uz napomenu da se radilo o najmanje jednom udarcu, srednje jakog intenziteta i da su povrijeđeni i oštećeni stajali jedan drugom lice u lice. Za osumnjičenog je utvrđeno da do sada nije osuđivan.

U toku istrage, branilac osumnjičenog predložio je saslušanje svjedoka Z.A. koji je u trenutku izvršenja krivičnog djela stajao u neposrednoj blizini mjesta događaja, koji poznaje i osumnjičenog i oštećenog i koji se u periodu zabavljanja M.A. sa pomenutom djevojkom družio i sa M.A. i sa oštećenim D.F. Iskazom ovog svjedoka u potpunosti je potvrđen iskazi svjedoka P.D. osumnjičenog i oštećenog.

Prema navedenom primjeru, koristeći Zakon o krivičnom postupku Federacije BiH, Krivični zakon Federacije BiH, udžbenik Sijerčić–Čolić, H.: Krivično procesno pravo. Knjiga II. Sarajevo, 2019, primjere akata sa stranice nadležnog tužilaštva i suda, te po uzoru na priložene primjere (u nastavku ovog zadatka) napišite:

1. **Naredbu o provođenju istrage,**
2. **Optužnicu sa prijedlogom za izdavanje kaznenog naloga,** kojim će se osumnjičenom izreći uslovna osuda sa utvrđenom kaznom zatvora u trajanju od 2 mjeseca i rokom provjere od 1 godine,
3. **Presudu sa kaznenim nalogom** kojom se optuženom izriče uslovna osuda sa utvrđenom kaznom zatvora u trajanju od 2 mjeseca i rokom provjere od 1 godine,
4. **Sporazum o priznanju krivnje**